



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN AMIGOS DEL CAMINO DE SANTIAGO EN CÁDIZ.

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Que a Asociación Amigos del Camino de Santiago en Cádiz ten entre os seus fins:

- Potenciar e coordinar a labor en orde a revitalización, defensa, conservación investigación e protección do medio ambiente e potenciación do patrimonio histórico e cultural dos Camiños de Santiago. Fomentar toda clase de Camiños e Itinerarios Culturais.
- Fomentar os valores cristiáns das peregrinacións e a evanxelización.
- Atender, informar e formar aos peregrinos; Promover o voluntariado social:
- Formando Hospitaleiros voluntarios, para atender os Albergues de Peregrinos
- Formando persoal para a limpeza, mantemento, conservación e marcado dos Camiños e Itinerarios Culturais.
- Realizar actividades culturais

Entre as diversas actuacións que promoven está a información e apoio aos peregrinos; promoción e realización de estudos e investigacións sobre o Camiño de Santiago e a súa contorna así como todo tipo de actividades culturais; formación para persoal voluntario para os albergues de peregrinos, oficinas de información, campos de traballo e, en xeral, calquera outra actividade relacionada cos Camiños de Santiago, Itinerarios e Camiños Culturais; atención á instalacións e institucións dedicadas

especialmente á axuda aos peregrinos mediante a colaboración na creación de albergues e refuxios; edición de publicacións xacobeas; etc.

A Asociación de Amigos del Camino de Santiago en Cádiz ten previsto organizar, no mes de setembro, a *VI Asamblea de la Federación Andaluza de Asociaciones de Amigos del Camino de Santiago*, que coincide co décimo aniversario desta asociación gaditana, para contribuír á consolidación do seu compromiso coa difusión e promoción do Camiño de Santiago, así como promover diante das institucións de Cádiz e provincia as posibilidades culturais, turísticas e económicas que implica a ruta xacobeas.

Esta VI Asamblea, a celebrar en El Puerto de Santa María do 23 ao 25 de setembro de 2016, e contará co seguinte programa de actividades:

Venres 23 de setembro:

Traslado á cidade de Cádiz dos Presidentes e membros das Xuntas Directivas das Asociacións, así como representantes do Xacobeo e autoridades para inaugurar o fito do inicio da “Vía Augusta” que une dita cidade con Sevilla con asistencia de autoridades locais e provinciais.

Sábado 24 de setembro:

- Visita turística á cidade de Jerez de la Frontera para comprobación da sinalización do Camiño de Santiago dentro da localidade seguida da visita a unha bodega representativa dos viños da zona.
- Recorrido pola cidade de El Puerto de Santa María seguindo o itinerario establecido para o tránsito dos peregrinos pola mesma.
- Celebración da Asamblea Xeral, onde se entregarán recordos aos asistentes e ás autoridades presentes, seguida de cea de confraternización.

Domingo 25 de setembro:

- Misa en honor do noso protector e patrón Santiago. Traslado posterior a San Lúcar de Barrameda onde se navegará pola desembocadura do río Guadalquivir e visita a sitios de interese tanto do río como do Coto de Doñana, finalizando cun xantar en dita localidade.
- Despedida dos asistentes.

Con estas actividades a Asociación, pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia. Polo tanto estas actividades fomentarán o propio Camiño e a súa difusión e contribuírán a afondar a relación existente entre estas asociacións andaluzas, que na actualidade posúen unha alta dinámica de traballo, coa Xunta de Galicia na promoción da peregrinación xacobeas.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos,

nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuíndo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Na medida do posible contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redonda de maneira efectiva na conservación, recuperación e difusión do Camiño de Santiago e da cultura xacobeas especialmente nas provincias de Cádiz e Sevilla, pois estas labores as desenvolve periodicamente na denominada “Vía Augusta”.

b/ criterios específicos:

- A Asociación de Amigos del Camino de Santiago en Cádiz posúe un número socios ao redor de dous centenaes de persoas espalladas por ese territorio.



- A implantación da Asociación no territorio da provincia de Cádiz e Sevilla levounos a promoción do Camiño de Santiago coa denominación de "Vía Augusta". O seu labor de conservación e sinalización do Camiño nese territorio é amplamente recoñecido.
- Neste ano 2016 a asociación organiza para celebrar o seu décimo aniversario esta *VI Asamblea de la Federación Andaluza de Asociaciones de Amigos del Camino de Santiago*, que acredita un traballo continuado no tempo e en progresión.
- Esta asemblea potenciará a positiva relación de traballo existente entre estes colectivos andaluces e a Xunta de Galicia en relación ao Camiño de Santiago.
- Esta Asociación co seu amplo labor e coas súas numerosas actividades contribúe notablemente ao incremento do fluxo de peregrinos desa provincia e por extensión da Comunidade Autónoma de Andalucía, que ocupa un dos primeiros lugares de afluencia e peregrinos é cómpre manter.

O orzamento da actividade a financiar ao abeiro deste convenio é o seguinte:

Concepto	Importe
Aluguer de dous autobuses para o traslado dos assembleístas aos actos e actividades	1.500,00
Gastos de combustible dos vehículos de recollida de personalidades invitadas	100,00
Guía visita a Jerez de la Frontera con motivo da inauguración da sinalización e visitas bodega	1.700,00
Guía visita por El Puerto de Santa María seguindo a sinalización Xacobeas levada a cabo na cidade	500,00
Cea de confraternización	3.500,00
Cruceiro fluvial polo río Guadalquivir e visita Coto de Doñana	1.200,00
Xantar de despedida aos asistentes	1.500,00
Presentes e recordos aos assembleístas e acompañantes	2.350,00
Total	12.350,00

A S.A. de Xestión do Plan Xacobeo aboará a cantidade de 6.900 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscrición deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente